

新續渭南縣志

一
函十冊

新續渭南縣志卷八中

宦業

漢翟公下邳人爲廷尉賓客填門及廢門外可設爵羅後復爲廷尉客欲往翟公大署其門曰一死一生廼知交情

一貧一富廼知交態一貴一賤交情廼見

漢書張釋之傳

梁吉士瞻字梁容蓮勺人徵士吳苞勸以經學因誦鮑照詩云豎儒守一經未足識行藏拂衣不顧及梁武帝起兵王撫之等不從命蕭穎胄遣士瞻討平之齊和帝卽位以爲領軍司馬建康平爲巴東相建平太守厯秦梁二州刺史加都督又出爲西陽武昌二郡太守

南史

隋田式

見官
師傳

魚俱羅馮翊下邳人身長八尺膂力絕人從晉王廣平陳
以功拜開府及沈元愔高智慧等作亂江南楊素以俱羅
勇壯請與同行有功加開府封高唐縣公拜疊州總管以
母憂去職還至扶風會楊素將出靈州道擊突厥逢之遂
與俱行及遇賊俱羅與數騎奔擊瞋目大呼所當皆披靡
以功進位柱國拜豐州總管突厥入境輒擒斬之自是屏
迹不敢畜牧于塞下初煬帝嗣位轉安州刺史遷趙郡太
守後因朝集至東都與將軍梁伯隱有舊數相往來御史
劾俱羅以郡將交通內臣帝大怒與伯隱俱坐除名未幾

越嵩飛山蠻反詔俱羅白衣領將并率蜀郡都尉段鍾葵
討平之大業九年重征高麗以俱羅爲碣石道將軍及還
江南劉元進作亂詔俱羅將兵逐捕時百姓思亂從盜如
市俱羅戰無不捷然賊勢浸盛敗而復聚帝方忌俱羅目
有重瞳梁敬眞因希旨奏爲師徒敗衄斬之

隋書

唐王仁皎字鳴鶴元宗廢后父也景龍中以將帥舉授甘
泉府果毅遷左衛中郎將帝卽位以后故擢將作大匠進
累開府儀同三司封祁國公食戶三百仁皎避職不事委
遠名譽厚奉養積勝妾貲貨而已卒年六十九贈太尉益
州大都督謚昭宣官爲治葬柩行帝御望春亭過喪詔張

說文其碑帝爲題石子守一與后孿生帝微時與稚舊後
詔尙清陽公主從討大平主有功由尙乘奉御遷殿中少
監晉國公累進太子少保襲父爵被遇良渥后廢貶柳州
別駕至藍田賜死守一沓墨無顧藉財蓄巨萬皆籍入于

官

新唐書

姚南仲華州下邽人乾元初擢制科授太子校書遷右補
闕大厯十三年獨孤皇后崩代宗悼痛詔近城爲陵以朝
夕臨望南仲上疏曰臣聞人臣宅于家帝王宅于國長安
乃祖宗所宅其可興鑿建陵其側乎夫葬者藏也欲人之
不得見也今西近宮闕南迫大道使近而可視歿而復生

雖宮以待之可也如令骨肉歸土魂無不之雖欲自近了
復何益且王者必據高明燭幽隱先皇所以因龍首而建
望春也今起陵目前心一感傷累日不能平且匹夫向隅
滿堂不樂况萬乘乎天下謂何陛下諡后以貞懿而終以
褻近臣竊惑焉今國人皆曰后陵在邇陛下將日省而時
望焉斯有損聖德無益先后欲寵反辱惟陛下孰計疏奏
帝嘉納進五品階以酬讜言坐善宰相常袞出爲海鹽令
浙西觀察使韓滉表爲推官擢殿中侍御史內供奉召還
四遷爲御史中丞改給事中陝虢觀察使拜義城節度使
監軍薛盈珍恃權撓政不能逞因毀南仲于朝德宗惑之

徵還後入朝授尚書右僕射貞元十九年卒年七十五贈
太子太保諡曰貞初崔位馬少微者俱在南仲幕府盈珍
之譖也出位爲遂州別駕東川觀察使王叔邕希旨奏位
殺之復出少微補外使宦官護送渡江投之水云

新唐書

白鏐下邳人其先太原人高祖建北齊五兵尚書賜田韓
城因家焉父溫檢校都官郎中鏐其第六子徙家下邳幼
好學善屬文年十七明經及第授鹿邑尉歷雒陽主簿酸
棗令擢殿中侍御史賜緋魚袋充渭臺節度叅謀再授鞏
令皆以清直靜瑱聞子五人季庚襄州別駕季般沛令季
軫許昌令季甯河南叅軍季平鄉貢進士

白季庚鎰長子天寶末以明經授蕭山尉歷宋州司戶叅
軍建中元年授彭城令李正己叛與刺史李洧守城有功
詔授朝散大夫東州別駕賜緋魚袋仍充徐泗觀察判官
貞元初進加檢校大理少卿仍知徐州事秩滿改朝奉大
夫檢校大理少卿兼襄州別駕卒累贈刑部尚書右僕射
白季康揚州錄事叅軍鱗子初補本縣尉遷河內丞再遷
彭城令歷潯陽虹漚水凡令四縣卒于官爲人溫恭嚴重
自尉下邳至宰溧水皆以廉濟見稱于時累贈尚書右僕
射門下侍郎太原郡公

新唐書

宋張佖字仲雅本燕人後徙華州渭南初名志言後改焉

父昉殿中少監佖少有志節始用蔭補殿前承旨以習儒業獻文求試授國子監丞遷著作佐郎監三白渠知涇陽縣端拱初爲太子右贊善大夫曹州民有被誣殺人者詔往按之發摘姦狹寃人得雪尋通判忻州遷殿中丞兼御河督運至道中遷判陝州再部送芻糧赴靈武就改國子博士咸平初擢爲陝西轉運副使賜緋魚至延安遇夏人入寇親督兵擊敗之三年徙西川轉運副使時招討王均以餽餉之勞遷虞部員外郎賊平分川陝爲四路以佖爲利州路轉運使有薦其武幹者召遷授如京使涇原鈐轄兼知鎮戎軍徙麟府路鈐轄夏人來寇佖率兵與戰親射

殺酋帥俘獲甚衆餘黨遁去詔書褒之賜錦袍金帶景德
中徙益州鈴轄加宜州刺史遷文思使侂御軍撫民甚有
威惠蜀人久猶懷之大中祥符四年車駕祀汾陰以爲西
京舊城巡檢鈴轄禮成加授北作坊使充趙德明官告使
又爲鄜延鈴轄會秦州李潛暴卒上語近臣曰天水邊要
宜速得人馬知節稱吉可任上然之遂改騏驎使就命知
秦州至州置四門砦開拓疆境邊部頗怨又臨渭置采木
場戎人不之爭移帳而去侂不甚存撫亦不奏加資賜邊
人追悔引衆刦掠侂深入掩擊敗走之議者又欲加恩宗
哥立遵等族以扼平夏侂請拒絕之事具吐蕃傳朝廷始

務甯邊以佶輕信易事徙邠甯路鈐轄天禧初召爲契丹國信副使再任邠甯兼知邠州遷宮苑使未逾月擢拜西上閣門使復爲涇原鈐轄四年卒年六十九佶涉獵書史好吟咏勇敢善射有方畧其總戎護塞以威名自任子宗象兵部員外郎直史館度支判官

宋史

李師中下邳人高宗建炎間以白丁守華州累至忠州團練使子定一紹興慶元爲興州中軍統制以忠勇著名李好義下邳人祖師中州團練使父定一興州中軍統制好義弱冠從軍善騎射爲興州正將吳曦受金人說以蜀叛亟歸與其兄對哭謀誅之密結親衛軍黃術趙亮吳政

等女弟夫楊君玉亦與知長史安丙與楊巨源陰結忠義
欲圖曦好義遂遣君玉報丙丙喜曰非統制李定一之子
乎此人來斷曦臂矣約二月晦舉事好義夜享士麾衆受
甲與好古好仁及子姓拜決於家廟衆皆踴躍時僞宮門
洞開好義大呼而入曦露頂徒跣開寢戶欲遁遂斫其首
出僞宮亟馳告丙城中市不改肆好義請乘時取關外四
州王喜忌其能沮之好義曰西和乃腹心之地願得馬步
千人死士二百齎十日糧可濟丙從其請好義率衆攻城
親犯矢石人人樂死以少擊衆前無留敵金西和節度使
完顏欽奔遁好義整衆而入欲乘勝竟取秦隴宣撫令謹

守故疆不得侵越士氣皆沮好義以中統制知西和州卒

謚曰忠壯

宋史本傳

元薛榮字君英臨渭里人元貞初以陝西行省薦補通事遷御史臺譯史陝西行省都事興元路判官督修棧道有功擢西和知州綽有政聲晉陝西漢中道廉訪使仕至工

部尙書

以上舊志

石端甫北志道里人致和中舉茂才異等歷官西蜀肅政廉訪司僉事陝西肅政廉訪司副使忠慎廉介卓有能名時所推重

李誠字克誠沉静聰敏日記萬言弱冠登鄉書辟隴右憲

司祿除雲南知事擢尹三原任德緩刑勸農興學除奸宄
察利弊值兵興征派倍昔誠量戶低昂均其賦役且樽節
愛養民不知苦一時稱廉能焉

高脫台普花叢桂里人至元初舉賢良累官至兵部尙書
明克上都不知所終土人指西周村東坟爲高尙書墓云

薛微之下邳人

見元好問楊
與神道碑

明廬敏韓馬里舉人永樂中爲刑科給事中與嚴信建言
民情事獲罪充戍宥爲民惜子孫微不克詳其建言事也
石岩字廷舉北志道里人閑武畧善騎射戍太甯寬河衛
從靖難兵屢立奇功北征至元冥河戰退本雅失里仕至

本衛指揮僉事以忠謹見稱無子姪亨嗣

孫宏慶寺里人魁岸亢爽有才識宣德中舉于鄉歷肥鄉
雒陽令政績卓異擢太僕卿至吏部左侍郎在洛陽時宦
官汪直攝巡經兩河所在亡不望風靡者宏獨抗不少屈
且詼諧調笑傍若無人直反解顏禮焉宏殆卓犖不羈之
士且長于應變云

裴斐字成章性敏好學貌雋偉正統舉于鄉天順初仕福
建道監察御史立朝有風裁出按遼陽將領震肅士卒悅
服亡何改湖廣按察司僉事爲人坦夷不修邊幅敏于吟
咏與鄉人處和易可親終其身無有怨者其儻爽襟度迄

今稱之

賈冕忠義里人少好學取與不苟景泰中舉于鄉天順初以謁選留滯京師石亨延教子姪亨延吏部飲預屬冕陪欲緣此得美除也冕朝出莫知所向授湖廣辰州府同知澠行辭亨亨曰亨武人誠不識先生之高也欲假之驛傳冕固辭單騎履任冰操惠政卓冠一時職故兼造御用磁器中官督運者故有額外餘數以便其私冕執不與中官怒乃誣冕失度違期械繫錦衣獄執法者審其誣編爲民冕卽歸鍵戶觀書屏絕俗務足不履縣庭者二十年任令爵高其行懇延之至則先謁文廟而後與令接一拜卽退

回留之不得益敬重之

石亨渭南人生有異狀方面偉軀美髯及膝其從子彪魁
梧似之鬚亦過腹就飲酒肆相者曰今平世二人何乃有
封侯相亨嗣世父職爲寬河衛指揮僉事善騎射能用大
刀每戰輒摧破正統初以獲首功累遷都指揮僉事敗敵
黃牛坡獲馬甚衆三年正月敵三百餘騎飲馬黃河亨追
擊至官山下多所斬獲進都指揮同知尋充左參將佐武
進伯朱冕守大同六年上言邊餉難繼請分大同左右玉
林雲四川衛軍懇淨水坪迤西曠土官給牛種可歲增糧
萬八千石明年又言大同西路屯堡皆臨極邊玉林故城